



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-49-1-310-19/16

Datum: 17.03.2016.godine

Na osnovu člana 70.stav (1) i (3) te člana 25. Zakona o javnim nabavkama Bosne i Hercegovine ("Službeni glasnik BiH", broj: 39/14), i Zapisnika o pregledu i ocjeni ponuda od 15.03.2016.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**

o izboru najpovoljnijeg ponuđača

**I**

Najpovoljnija ponuda za radove u predmetu nabavke "Vanjskog uređenja parcela G1, G2 i H u obuhvatu "Urbanističkog projekta Tešanj-Centar"- uređenje ulice 1. Mart u Tešnju" po cijeni od 279.194,90KM (slovima: dvijestotinesedamdesetdevethiljadastotinudevedesetčetiri i 90/100 konvertibilnih maraka) bez uključenog PDV-a odnosno sa PDV-om 326.658,03KM (slovima: tristotinedvadesetšesthiljadašeststotinapedesetosam i 03/100 konvertibilnih maraka) je ponuda grupe ponuđača "Mramor-prom"d.o.o. Tešanj i "Q inženjering" d.o.o. Usora.

**II**

Ponude su dostavljene u otvorenom postupku javne nabavke koji je objavljen na Portalu javnih nabavki dana 12.02.2016.godine pod brojem:375-1-3-27-3-6/16, obavještenje o nabavci objavljeno u Sl.-glasniku BiH broj:11/16 dana 19.02.2016.godine, kriterij za dodjelu ugovora je najniža cijena.

**III**

Obavezuju se izabrani ponuđači da u roku od 5 dana od dana prijema ove Odluke dostave ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

**IV**

Ponude Konzorcij "Dobojputevi" dd Doboj Jug i "Nedjing" d.o.o. Tešanj, "Špic beton" d.o.o. Zenica i "Kristal" d.o.o. Živinice odbacuju se kao nepotpune iz razloga što ponuđači uz ponudu nisu dostavili tražene dokumente odnosno dostavili su nepotpunu dokumentaciju.

**V**

Za realizaciju Odluke zadužuje se Služba za društvene djelatnosti i investicije i Služba za finansije, privredu, komunalne i inspeksijske poslove.

**VI**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**VII**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6.Zakona o javnim nabavkama.

**O b r a z l o ž e n j e**

Aktom broj:02-49-1-310-2/16 od 09.02.2016.godine Općina Tešanj je donijela Odluku o provedbi postupka javne nabavke za radove "Vanjskog uređenja parcela G1, G2 i H u obuhvatu "Urbanističkog projekta Tešanj-Centar"- uređenje ulice 1. Mart u Tešnju". Odabran je otvoreni postupak, koji je objavljen na Portalu javnih nabavki dana 12.02.2016.godine pod brojem:375-1-3-27-3-6/16, sažetak obavještenja o nabavci objavljen u Sl.glasniku BiH broj:11/16 dana 19.02.2016.godine, kriterij za dodjelu ugovora je najniža cijena. U ostavljenom roku za dostavu ponuda pristiglo je 9 ponuda kako

slijedi: Ponuda "Inter" d.o.o. Tešanj, Ponuda grupe ponuđača "Mramor-prom" d.o.o. Tešanj i "Q inženjering" d.o.o. Usora, Ponuda "Porobić" d.o.o. Zavidović, Ponuda Konzorcij "Dobojputevi" dd Doboj Jug i "Nedjing" d.o.o. Tešanj, Ponuda "Hajdić" d.o.o. Maglaj, Ponuda Konzorcij "Almy-transport" d.o.o. Zenica i "Komgrad-Ze" d.o.o. Zenica, Ponuda "Gradnja 1" d.o.o. Tešanj, Ponuda "Špic beton" d.o.o. Zenica i Ponuda "Kristal" d.o.o. Živinice.

Komisija za javne nabavke imenovana rješenjem Općinskog Načelnika broj:02-49-1-310-4/16 od 02.03.2016.godine izvršila je dana 14.03.2016.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je 6 (šest) ponuda formalno ispravno (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda:

1. Grupa ponuđača "Mramor-prom" d.o.o. Tešanj i "Q inženjering" d.o.o. Usora
2. "Porobić" d.o.o. Zavidović
3. "Inter" d.o.o. Tešanj
4. Konzorcij "Almy-transport" d.o.o. Zenica i "Komgrad-Ze" d.o.o. Zenica
5. "Hajdić" d.o.o. Maglaj
6. "Gradnja 1" d.o.o. Tešanj

Komisija je kod ocjene ponuda takođe utvredila da 3 (tri) ponude nisu formalno ispravne i da ne sadrži dokumentaciju koja je tražena tenderskom dokumentacijom kako slijedi:

- ponuda Konzorcij "Dobojputevi" dd Doboj Jug i "Nedjing" d.o.o. Tešanj ne sadrži: - Klauzulu o integritetu za ponuđača "Nedjing" d.o.o. Tešanj, predviđena tačkom 13.3.3 tenderske dokumentacije (Klauzulu o integritetu uz ponudu mora dostaviti svaki član grupe ponuđača).

- ponuda "Špic beton" d.o.o. Zenica ne sadrži: - spisak uposlenih/angažiranih ljudi za radove koji su predmet nabavke uz Izjavu izvođača radova o prosječnom godišnjem broju zaposlenih i broju rukovodećeg osoblja u posljednje tri godine, predviđeno tačkom 13.3.2 tenderske dokumentacije;

- ponuda "Kristal" d.o.o. Živinice ne sadrži: izjavu ponuđača o ukupnom ostvarenom prometu za posljednje tri finansijske godine sa posebno iskazanim godišnjim prometima bez PDV-a, predviđenu tačkom 13.2.2 tenderske dokumentacije; - običnu kopiju Potvrde Centralne banke sa spiskom svih otvorenih računa ponuđača predviđena tačkom 13.2.2. tenderske dokumentacije; - potvrde o građevinskim mašinama i tehničkoj opremi kojom izvođač raspolaže u svrhu izvršenja ugovora, kao što je predviđeno tačkom 13.2.2. tenderske dokumentacije; - potvrdu o uredno izvršenim Ugovorima koju daje druga ugovorna strana o njihovoj realizaciji u skladu sa članom 48. stav 2. i 3. Zakonom o javnim nabavkama ("Sl. glasnik BiH" broj: 39/14), predviđena tačkom 13.3.2. tenderske dokumentacije; - spisak uposlenih/angažiranih ljudi za radove koji su predmet nabavke uz Izjavu izvođača radova o prosječnom godišnjem broju zaposlenih i broju rukovodećeg osoblja u posljednje tri godine, predviđena tačkom 13.3.2. tenderske dokumentacije.

Ponude Konzorcij "Dobojputevi" dd Doboj Jug i "Nedjing" d.o.o. Tešanj, "Špic beton" d.o.o. Zenica i "Kristal" d.o.o. Živinice su u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačene, kako je navedeno u tački 4. dispozitiva ove odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-310-18/16 od 15.03.2016.godine), da se u predmetu javne nabavke "Vanjskog uređenja parcela G1, G2 i H u obuhvatu "Urbanističkog projekta Tešanj-Centar"- uređenje ulice 1. Mart u Tešnju", donese Odluka o izboru najpovoljnijeg ponuđača i da se kao najbolje ocijenjene prihvatljive ponude za radove u predmetu nabavke, određuju ponude grupe ponuđača "Mramor-prom" d.o.o. Tešanj i "Q inženjering" d.o.o. Usora, te da se sa istim zaključi ugovor u skladu sa ponudom navedenih ponuđača za radove predmetne nabavke.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

**DOSTAVLJENO:**

1. Ponuđačima x 9,
2. Služba za društvene djelatnosti i investicije,
3. Služba za finansije, privredu, komunalne i inspeksijske poslove,
4. Predmet.

*Handwritten signature: Huskić*



*Handwritten signature: Huskić*  
**OPĆINSKI NAČELNIK**  
**mr.sc. Suad Huskić profesor**